

四庫全書

集部

欽定四庫全書

集部

御製詩二集卷三十九

詳校官尚書臣德保

助教臣常循覆勘

總校官原任中允臣王燕緒

校對官學正臣卜維吉

謄錄監生臣金特

欽定四庫全書

御製詩二集卷二十九

古今體九十三首

辛未八

先皇后親蠶圖成命奔藏蠶館並誌以詩

農桑並重以身先創舉崇祠薦吉蠲秋葉哀蟬驚一旦
春風浴繭罷三年宛看盆手成新卷益覺椎心憶舊絃
柘館蕭條液池上分明過眼閱雲烟

題鄒一桂山水

堞樓近倚大江邊一片虛明萬里天
石劍倒青如劃水林扉拖白不藏烟
時時細雨出耕犢往往斜陽聚估船
此景親從南國見披圖漫訝想當然

雨後御苑泛舟

急雨初過晴亦佳蘭舟閒泛錦雲涯
峰姿濯翠入澄照鏡影含虛愜曠懷
一櫂忽忘原液沼數灣擬欲學秦淮
春遊小憶吟詩稿高閣旋聞報午牌

題張宗蒼畫

飽挹煙霞趣來為山水圖學王無刻畫似米不糊塗綠
樹高扶嶂白沙遠帶湖携張宗蒼係今年南巡始知善畫因携以歸留別
沈詩畫信歸吳

舟行遇雨之作

視朝侵曉法宮旋擊汰長河取路便膚寸膩雲纔布宇
須臾飛雨到前川

凉切生衣剪玉絲黃頭鼓柁進舟遲溪烟岸柳空濛意
大似江南雨渡時

邇來晴雨適人心
禾黍懷新茂不禁轉為多
將辜滿望烟空騁目頃憂深

董邦達谿山秋霽

樹欲飄揚風欲吹
徂雲不賸一絲絲
卷舒慣作秋前景
颯爽正當雨後時
出硤石泉如奏筑
落林橡子似敲碁
坐來心與高空暢
此景天然稱我詩

賦得僧敲月下門

月上驚棲鳥
山僧歸自鄰
應門乏五尺
叩扇借孤筠
小

立莓苔滑低臨松竹勻上人權在外守者未生嗔詎濕
袈裟露憑叅響寂塵維摩不二法司戶有前因剝啄原
無礙形容直逼真本來敲絕好推字想欺人

自高梁橋泛舟廻御園川路曉景即目

長川濃露濕烟蕪舟趁晨涼暑若無間有樓臺臨曲岬
勝他粉本廣陵圖

烟村遠近豁新晴翠濯西山一幰橫此際恰同農父志
半懷憂喜望秋成

秋蟬口號

已知遇閨立秋早秋信猶嫌人未知一箇秋蟬忽先唱
警人聲在最高枝

寓興

大人不親細三公坐而論所論為何事敬法兩字諄宜
敬法者誰曰

天與

祖宗

叶

然貴行以實匪貴徒名存處與如太簡媚竈或

競奔敝袴斯已約程書斯已勤勤約豈不佳失要反致
屯恭已正南面未可易易言

飲魚

賦芋較三四喜怒在目前而魚既非狙且在深淵間喜
怒豈形色飢飽誰與傳子產亦智者欺方被校人上林
例葶育澄池富錦鱗守者日竊饋欺魚不能言魚亦不
復來足響反遁焉因之試親飮投饌惟淪連一再餌之
熟噉噉羣爭先可知非尅減錦鱗胡潛淵謂魚不能嚙

其理信未然

移竹

池邊伏裏種實當挺立森森百个強
今夜牕前應有雨
為傳畫意到瀟湘

風翻鳳影低芳埒月寫龍文入綺寮
却憶雲棲幽絕處
萬竿綠玉戛仙韶

螢

點點螢光入夜流
人人心有幾分秋
而今不解資勤讀

祇解宵行引客愁

日出行

日出東方雲散中天夜來好雨朝晴豁然邇日頗欣晴
雨時亦惟時矣愁益滋三百六旬例一隲六龍厯天而
不知爍火其勞乎魯戈真誕兮咨汝和咨汝義其何能
終古無薄蝕萬物久照澄光輝君子有過其固也日月
之過維何其誰能叩天一問之

昆明湖泛舟

何處燕山最暢情無雙風月屬昆明侵肌水色夏無暑
快意天容雨正晴倒影山當波底見分流稻接垆邊生
披襟清永饒真樂不藉仙踪問石鯨

六月九日暑風新爽御門聽政後率諸王大臣等
泛舟觀荷有作

仙侶招携泛碧潏偶然尋勝值幾閒一天新霽豁愁意
五沃名葩破笑顏走汞露圓紛葉嶼噴蘭風爽度花灣
遐思禾黍懷新好吾樂原非在此間

燕山八景詩疊舊作韻

瓊島春陰

承光殿之北孤嶼瞰臨北海相傳為遼之瓊華島
上多竒石宋艮嶽之遺金人輦致於此今為永安
寺悅心其便殿也

艮嶽移來石岌峩千秋遺蹟感懷多倚巖松翠龍鱗蔚
入牖望新鳳尾娑樂志詎因逢勝賞悅心端為得嘉禾
當春最是耕犁急每較陰晴發浩歌

太液秋風

太液池在西苑中亘長橋列二華表曰金鰲玉蜺
北為北海南則瀛臺西京賦所稱滄池潏沔列瀛
洲夾蓬萊者方斯蔑矣

微見商飈蘋末生鏡瀾玉蜺影中橫非關細雨頻傳響
何事平流忽有聲爽入金行閭闔表波連瑤渚趯臺瀛
高秋文宴傳佳話已覺犁然今昔情

玉泉趵突

西山泉皆泆流至玉泉山勢中豁泉散躍而出雪
湧濤翻濟南趵突不是過也向之題八景者目以
垂虹失其實矣爰正其名且表曰天下第一泉而
為之記

玉泉昔日此垂虹史筆誰真感慨中不改千秋翻趵突
幾曾百丈落雲空廓池延月溶溶白倒壁飛花淡淡紅
笑我亦嘗傳耳食未能免俗且雷同

西山晴雪

西山峰嶺層疊不可殫名因居京城右輔故以西
山槩焉高寒故易積雪望如削玉今構靜宜園於
香山輒建標其嶺誌之

久曾勝蹟紀春明疊嶂嶙峋信莫京剛喜應時霑快雪
便教佳景入新晴寒村烟動依林裊古寺鐘清隔院鳴
新傍香山構精舍好收積玉煮三清

薊門烟樹

水經注薊城西北隅有薊邱明人長安客話謂在

今都城德勝門外土城關即其遺址旁多林木翳翳蒼翠

十里輕楊烟靄浮薊門指點認荒邱青帘貰酒於何少黃土埋人即漸稠牽客未能留遠別聽鷗誰解作清遊

梵鐘欲醒紅塵夢

覺生寺大鐘在此北

斷續常飄雲外樓

盧溝曉月

盧溝河即桑乾河水黑曰盧故以名之橋建於金明昌初長二百餘步由陸程入京師者必取道於

此

茅店寒雞呶喔鳴曙光斜漢欲參橫半鉤留照三秋淡
一竦分波夾鏡明入定衲僧心共印懷程客子影猶驚
邇來每踏溝西道觸景那忘黯爾情

易州建泰陵
來往必由之道

居庸疊翠

居庸為九塞之一見於呂覽淮南子其跡最古鄺
道元謂崇墉峻壁山岫層深路才容軌為得其實
云

斷戍頽垣動接連當時徒說固防邊洗兵玉疊曾無藉
守德金城信不穿泉出石鳴常帶冷日含峯暖欲生烟
鳴鞭阿那羊腸道可較前茲獲有田

金臺夕照

黃金臺見志乘者有三一在易州都城有其二輿
地名勝志云在府東南十六里又有小金臺相去
一里今朝陽門東南歸然土阜好事者即以實之
所傳古蹟大率類是

九龍妙筆寫空濛

石渠寶笈有王綬燕山八景圖真蹟

疑似荒基西或東

要在好賢傳以久何妨存古托其中
豪辭賦鴛誰過客
博辯方孟任小童遺蹟明昌重
校檢畢然高望想流風

當壚曲

當壚設酒芻蘭陵鳴絃撥
吹湘笙美人勃率流蘇屏
雲裳半掩揚新聲休言不使流雲行
亦不招鳳來舞庭
凰來恐學秦公子雙雙騎去無踪形
雲傳終須復散去
楚王臺上空餘情當壚曲良獨苦
迎來尚易工送別多

悲楚不問新聲可動人但問衣帶寬幾許

熱

夏德在暑熱其宜炎威卓午朱明披金行明日立秋節
縱復鬱燄知幾時

立秋日作

一氣傳金皞三時入白藏拂筵驅伏暑披袂迓新涼風
葉荷增響露英花遞香晚來急雨過恰好應農祥

生秋庭作

一日生秋遍生秋此處多清陰猶張王

二字皆去聲

細卉已

婆娑柱礎全收潤池塘欲作波快晴心共豁徂暑物含
和更敞虛明牖還延青翠螺壁間五載咏睫眼訝無何

爽

立秋已三日新爽逐日添霽潤消階祀颯涼著衣衫芳
飈度襍英莎蛩語幽潛代謝不相讓義御無停驂撫此
懷惜陰汲古資幽探

讀賈島詩題句

袈裟雲水伴鐘魚
歌鳳將同楚接輿
設使不逢韓吏部
豈知名教樂非虛

新秋靜宜園二首

入秋氣已爽
入山秋更別
巖風峭送涼
澗泉幽以冽
輕雲猶戀宇
而勢不能結
高空漸沈寥
洞壑殊清絕
孤亭堪騁目
方罨綠雲列
指日待西成
顧茲實怡悅

山蟬亮其聲
飲露發清響
翦然濃翠中
紅葉見三兩
動植均知秋
吾胡不延爽
朗開納涼牖
閒披却雨篴
謾然

聆松濤添思簇竒想

寶珠洞

趁涼尋勝賞快霽暢崇情行意遵山徑遊睇倚榭楹淙
泉含古味謾籟帶秋聲豁達烟霄上憑陵萬象呈

香界寺得句

盤迳下峻嶒畝平得梵宇迴視若降高俯瞰故高所能
仁泯名象剎那例浩古而況昨今歲夫何異來去叶我
乃覺其異此道未足語入山爽異常快晴秋倍新澄宇

豁空濶虛牖堆嶙峋野鳥聲不俗草蟲吟可人淨理了
堪悟勝賞良有因

靜室

香山靜趣雅相宜一室居然靜會茲拈毫構思渾難得
祇合忘言默識之

卉歛天風吹絮雲一空霽景與秋分香含華黍西成近
心為宜暘慰且欣

涼送巖風秋到初可人山色入窓虛坐收積翠同登眺

閒看流雲任卷舒

張宗蒼梧館新秋

清暉懸處淡烟光
濯濯峩峩峯帶翠
涼梧館蕭閒人倚榻
好教賦句屬歐陽

快霽

快霽新秋果暢情
清暉懸處倍光晶
即看萬寶西成報
不負三農東作耕
虛榭迎人涼籟納
高樓縱目遠山明
青瑤阿那崇榭路
指日鳴鞭問去程

題早桂

離離金粟早秋開
孕馥揚葩冒雨纔
恰喜快晴思點筆
臯塗精舍送題來

七月朔日作

立秋已逾旬
秋月乃始朔
金龔欣秩序
晶陽恰高暴
候正物情熙
氣爽人心樂
琳池濟穀紋
瑤臺朗天幕
屬詠向沆寥
託懷因以貌

去歲喜晴多
乃因夏雨頻
今歲喜晴少
却為期依旬
與

與遍高下華黍香風勻西成諒可望稍足慰吾民
惶敢忘惕虞益惟凜敬寅

北省冀有秋南省失逢年近聞溫台郡斗米值千錢
戶口既日增衣食惟賴天民飢乃走險觸法吁可憐
將寧失不經效尤恐甚焉蠲賑既不惜更通楚國船
近慰遠則忘而吾豈其然

秋英

秋英綻幽芳翹楚亦可人
泣露無定光裊風有餘芬曲

岸臨銀塘蘸影搖清淪居然蘭蕙友謝彼桃李羣設如
遇家丞檢校轉難分

昆明湖泛舟

秋入滄池縵玉波蓼花極渚晚紅多金行滿意蕭澄景
此際惟應讓素娥

層峰霽翠落波心佳景當秋効靜深晴雨三時紫萬慮
西成盼近為開襟

泛湖最合新秋爽暑已去時寒未來潯沆明漪烟靄澹

蘭舟恰好風開

新月

碧漢牙痕細冷然素彩流掃除一向暑釣得許多秋桂
子透雲馥梧陰泣露稠溶溶入初夜引客上高樓

題張宗蒼山水畫

氣韻經營外雄渾秀竦中神如非獨契人亦率能工歸
岫秋雲白隔溪楓葉紅高樓延霽爽落瀑韻巖風照燭
將誰李拍肩應彼洪前峯萬林杪縱目俯長空

立仗馬

天閑之別以十二隨宜利用期悉脩吉行五十師三十
在尚其德匪尚力叶圉人秣飼謹調良賦豆輸漿皆有
製不令過瘠及過肥在適其中具深意過瘠力弱將償
轅過肥力壯每脫轡馬之良者轉受勞兼以飲餐不遂
志復有選色色貴白不妨驚駘亦可厠筋埋肉脹但取
肥以脩仗馬飾朝制芻秣恣饗辭鞭箠排立移時旋休
息叶馬之驚者乃得逸豈遑計及中書譬以彼易此誠

不可此理伯樂難擬議

奉

皇太后出口行圍撰吉起程即事十韻

習武兼觀俗遵循

家法常

鴻規思續紹

鶴算喜康彊隔歲巡遼徼垂時選獵場所期綏內外即以靖封疆啟蹕撰良日橫鞭趁曉涼都人傳燕喜衛卒

逞鷹揚列嶂按藍近千畦環秀長朗懸晴靄碧香擁午
雲黃隨駐行秋輦行臨避暑莊

卷阿留勝蹟泉石待徜徉

石槽行宮對月疊辛酉歲舊作韻

新月涼輝也自妍晚芳弄影麗便娟行宮又駐金秋蹕
虛牖全延碧落天十歲了然別今昔半輪初不異虧圓
閒宵竭爾成清悟櫛櫛銀雲印穩眠

峯山口

跋馬黃花路遙指峯山口露浥快塵無晴暴占秋有
迹瀝陟蘭磴此行初入山山民如舊識對我發歡顏
一逕平開白兩山夾輔青母寧少蘊藉後疊翠為屏
峰山亦小嶺始登心為暢塞上最高峯行據雙眸放

懷柔縣

谷夷邑以庶縣小城則古室有僅餘糧野無不闢土稔
年略可支歉歲多辛苦太平固佳事戶口日增許持盈
惕深衷朝夕遑寧處所祈邀屢豐庶可籌助補借問親

民官循吏誰名杜

曉行

山蹊破曉行詰曲舊諳程綠樹深藏郭黃雲遠帶城溪
喧昨夜雨烟歛早秋晴一以占農慰還因驗旅情

泥滑刺

泥滑刺馬不前十步九跌防危顛忽然於此憶乘船囊
橐滿載蒲帆懸設如江上遇石尤泊岸守候空留連安
得陸行者每值晴舟行者風順便又願四月天晴於育

蠶家雨於時秧田天地之大人猶有憾焉擲筆不復道
停鞭且詠漸車篇

即事

剗土廓山路歲久土為石石已不復土莓苔駁蒼碧深
戴古車轍淺含秋露澤變化誰所為土石兩不識揭爾
異剛柔歷然分主客

飲馬長城窟行

飲馬長城窟流來塞外水撐犁頭曼久外臣息燧銷兵

亦久矣飲馬長城窟遺蹟猶堪指埤垓列嶂幾千年堅
不山齊心不止輶輶車中臭纔發可惜蒙恬旋賜死後
來豈少防邊人良民半作城下鬼六州鑄錯未為癡萬
古癡謀無過此

寒瓜

野店寒瓜可當蔬村民生計覽吟餘芻棚茅舍紛懸處
細雨涼風欲熟初體會遙思栗烝在荒唐漫說棗還如
烹蒸雅合山家供肉食休誇丙穴魚

晴

秋山易雨亦易晴金風奏爽天宇晶此時消盡閒籌度
禾黍香中旅騎行

山田

山田日以闢刀耕火種之所幸常有秋不辭辛苦治生
齒日滋縣地利詎有遺贏此邇外墾稍救乏業黎丁男
相踵至燕雲逮晉齊奚啻千萬戶梯巖事耕犁内外久
一家蒙古頗相資更慮啓忿爭治之良有司亦知非遠

圖權以醫燃眉

常山峪行宮八景

綠樾徑

一逕引入勝千林宛爾相親恠底宜來雨後懸崖澣
沫垂紳

虛白軒

小軒虛白堪怡匡床憑几棲遲驀憶前秋此際清光不
隔多時

青雲梯

蒨筍千重翬秀嶠巖百級絕座大似子房奇士陳平何
物堪倫

楓香坂

青楓過雨霏香詰曲蘭榭里強陟頂砦然長嘯千峰紫
翠夕陽

蔚蒨堂

蔚蒨爾時書堂每來翰墨生香正擬搗詞且置無過大

塊文章

如是室

秋初山有餘翠霽後室生爽寒最是長宜靜坐奈予每
少幾閒

翠風埭

威紆翠埭林穿草蟲花蝶風前俯仰物物自得會心一
為听然

陵霞亭

夷巖位置孤亭四隣山色來青六法誰能貌取嵐靄都
無定形

山月效韋應物體

向暝羣山陰入夜諸籟靜惟有清秋月徘徊弄寒影寒
影入我懷我懷與月佳天容既澂廓露氣滋芳黃相望
有餘意何異遊蓬萊

藥陽別墅

別墅蕭閒灤水陽到來依舊閱秋光擎青古茂松千尺

環碧高低山一房時聽鹿聲還隔嶺每看蝶影或踰牆
墨壺琴薦都清潔消得敲吟引興長

朝晡涼爽午猶炎節候初秋塞外占葉始作紅仍隱綠
潦將就減乍平添報寒野蝻常依砌餉蜜山峰不離去
聲
檐應接翻嫌畧無暇峰容波態此中兼

小金山歌

灤江衮衮西北來東將入海歸溟渤源遠流長故遜岷
陰吸陽壺或如浙叶岷江浙我適觀灤江此閱新秋

寒新秋不異前秋景得近忘遠逸興遄河有砥柱山有
金欲赴且止其意深此間嵒嶂肖浮玉惜無頭陀裴氏
開叢林底須金山四面包華屋廣陵之濤似神而非者
三亦惟天下獨會心濠濮樂在茲樹態峰姿况周足刻
削翠影落澄波時有颺颺擲林木江天奇境有如此浮
名小大何嗔喜彷彿山靈如是云勝彼虛詞吟不止

駐蹕避暑山莊詩成近體

仙館金巖荳蔴旗行秋駐輦恰相宜會心即境真雙美

得意微吟又一時繞

膝常欣承色笑

含飴每切憶恩私邊關內外西成近有喜吾民許共知

山雨

山雨霏空送嫩涼烟絲極目益蒼茫中元明日傳停蹕
漸石長途諒不妨

清舒山館

雲牕重此坐清舒峰翠迎人過雨餘前歲今秋饒歷歷

溪聲山色自如如
單椒時下吻
烟鹿芳沚頻浮
唼浪魚
欲倚喬松尋琥珀
落來清露濕衣裾

垂釣

富春以釣隱
磻溪以釣顯
亦各適其適
何繫竿與綫
叶
跂石臨澄渚
秋水泠然善
垂絲致喁
喁豈為烹鱖
顛隱
顯非我為潛
躍任彼轉渺
瀰眇烟波興
正復不淺

永恬居

構築深谷中
嵐靄幻朝暮
名之曰永恬
允得岩居趣
疊

樹罨蒼翠曲流繞蹊路仙卉四時芳奇峰一窓具澹泊
足怡悅春容而靜寤買山合周孔義經於是注

谿流

谿流勃雨後雨止流亦止勦襲為學者奚以異乎此

聽瀑

濺瀑落巖鳴清機愜靜聲寒垂一條玉虹掣九秋晴亂
點侵危石澄光襲敞楹寒山千尺雪假藉若為名

中元日放河燈

碧空雲散夜清妍
鮮讓秋蟾初度圓
雅合山莊陳節物
較羸江國鬧燈船
千枝朗徹巖邊樹
萬朶輝交火裏蓮
漏下松齋歸靜憩
依稀颯景似前年

山莊雜咏

每先秋獮駐山莊
水態峰姿引興長
佳景天成勝江國
早藏靈境待

仁皇

萬壑松風一室幽
芸窗如昨每吟留
卅年問學無與進

空覺羲娥迅似流

秋山雨過濯濃青
遠近泉聲謖入聽
新構雲居號松鶴
千秋萬載奉

慈寧

點筆文軒命墨娥
成書便擬號歸禾
未如七十傳靈囿
動植飛潛較總多

御製詩二集卷二十九

欽定四庫全書

御製詩二集卷三十

古今體九十五首

辛未九

山莊起程之作

兩日山莊駐清蹕三秋塞獮發行旌灑塵細已霏涼雨
送爽輕剛值快晴背眺渝關千嶂疊徑穿澗水一橋橫
詎惟習武勤邊計欲答賢王愛戴誠

蒙古王公例於波羅河屯晉接即事得句

塞上秋蒐又隔年碧空爽氣正澄鮮仰流左谷右賢後
就日車塵馬足前望去圍場欣慰尺携來獵卒例盈千
一家中外非容易馭遠鴻猷勉繼旃

野花

野花不入嵇含狀有艷無名人詎曉露霏或比素蘭馨
風娜還過寶相姣未逢說項空奇芳荒原蕪沒殊不少
爾雅方言逮寓中蒙海周裨誰則到叶匪直人也幸生
文物邦幸生乃至凡花草

涼

塞野度行旃新涼馬首前近山嵐氣峭拂草露華鮮催
穀登場候報人宜獵天欲詢民疾苦村墅且停鞭

入崖口

朝家重習武靈囿成自

天匪今而斯今

祖制垂奕年巉巖圍疊嶂崖口為之關辟立衆山斷伊
遜奔赴川秋獮常經過每為遲吟鶚雙峰開霽烟一水

流潺湲翠葉復黃葩高低入影妍去年巡洛伊伊亦有
崖口三塗及七谷較此夫何有一得考功詩羶鄉傳至
茲我為是崖歎表章將待誰

詠畫筍

望星犀角形寓驚雷象齒文生莫訝嶷嶷寸許琅玕拔
地雲橫

驀憶輻光徑幽紺乳萬玉修修彷彿依根剝得猶看籜
嫩粉留

山雨

一片秋雲吐萬絲
山雨縈塞垣
經已慣立馬待天晴

檀廬

張拂常稱便止遷
隨所如天臨萬象濶
山入一牕虛罷獵
支沐憩成詩就燭
書泉明先得句吾
亦愛吾廬

曉月

曉月清可憐
塞天益寥朗
上下泉箔明
隱映林扉敞
遙峰似玉臺
古鏡大於掌
勒馬據崇榭
聊結廣寒想

讀書

張廬萬山裏展卷一牕下是中有深味玩輒不忍罷博覽謝彼能體認肯自借匪誇乙夜勤值此清秋暇

繡壁

夏山蒼蔚冬山槁惟有秋山稱恰好恰好秋山孰擅勝塞上峰巒出類表案衍神局姑弗云壁立萬仞凌參昴霜降不遲還不早茈虎枝葉渲葩蔘紺黃纁絳間青翠天工設色非人巧益之盤桓食苹鹿雜以絃管啁林鳥

朝嵐夕靄呈變幻千態萬狀難窮討解衣磅礴恣關生
過雲錦繡工杜老似是山靈有宿約每起予思於金顥
沈德潛進南巡詩章並所和詩至再疊舊韻賜之

塞山七月似三春竭詠賡章意倍親恰好清秋此擅室
又逢南國彼詩人功稱德頌曾何益吏習民艱要並陳

節相老來還喜事為卿特地答筒筠

德潛居鄉每命督撫代進奏摺詩章

是篇適高斌代為奏至木蘭行營故云

忽憶勾吳清麗春底須南北較疎親重吟迎蹕篇中句

似有捉刀牀畔人

南巡諸作原難為工德潛老矣亦不必以是為工所進三十章似出代作

因深知德潛手筆故戲及之

百二十章心窟蘊

兩和詩百二十六章則皆德潛所作非他

人所

能到 甲乙丙夜案頭陳靈巖阿那青楓坂問爾孤登可

藉筠

即事

積日以為月積月以為歲積歲以為紀積紀以為世來
者雖可期去者不可繫一日復一日歲月如斯逝所以
古賢者不敢安玩愒為學戒一簣為政期兩濟而我竟

何成思之每深媿

霜

白點霜華增曉寒
翠峰幻出許多丹
機緘妙趣當前悟
繪事原應素後看

山果

山果鞞鞫紅經霜
甘且脆設使結炎
方離支譜應次

獵

豐草長林獸所都
時平習武試三驅
林霜始降鷹嫌葉

野露猶霑馬惜蕪豈必虞人竭陂澤未能君子遠庖厨
日斜頒獲帷城外惠逮惟均洽衆娛

析字

魚魯以形訛亥豕以義舛夏五及郭公春秋猶不免尋
章摘句流硜硜期致辨聚訟笑徒然胡不奮實踐

北天竺

塞山竒種異植茂密蒙茸神農岐伯有所未辨郭
璞陸佃夫豈能疏有倒生絕壁不與恒羣結子纍

纍玫瑰韎韠其色而扶綠葉者問之蒙古不能舉
其名與南天竺子相類因名之曰北天竺而繫以

詩

佛說西天竺視如乾闥城而誰於卉物南東強借稱四
維缺匪宜朱穗百八盈儼從兜羅手飛來證無生北亦
有天竺吾今正其名是地秋嘗雪渥丹積素擎薊益滋
其繁葉不改其青隱笑南方暄耐寒孰不能

宴蒙古諸部落即席得句

四野天垂連大漠
三秋日朗徹穹廬
藉茲牲酒聊歡衆
詎是恩膏漫頒予
立馬看餘詐馬繼
左賢賜已右賢如
不拘禮數敦誠意
嘉爾風猶似古初

即事

即事摛詞亦可歡
發清機不礙秋寒
無塵雅似江南美
有地惟應塞北寬
紅纈翠扶壁萬仞
沙縈石絡澗千盪
儻教借得西湖水
處處吳山足大觀

讀史偶成

盡道吾君不敢欺不欺君者果伊誰禹臯稷契應無此
猶慮面從申戒之

於木蘭作

天文漏分野地志闡開縣博覽山海經荒略一二見上
林牟內地木蘭關塞甸中外久一家敬奉金甌奠

單于讓牧場朝家置靈囿深戒武脩弛於焉習獮狩崇
岡既壇曼叢樾亦美茂以故百物滋取豐留尚富

霜華霏漠宇窪稜紺絳斑蒙茸紫獺裳八月披曉寒呦

庶隨哨至樂此誠忘餐樂亦不可極於古戒遊盤

吳越近經巡山水信清美饒復藉人工未足云觀止隱
現固有時美善盡無比獨待表章人一為宣其理

宣理理乃昧紛然起毀譽不及無名稱故吾猶古初劉
羸今何有守禦長城隅長城更以外時來習三驅

繡壁琳琅標樂洞笙簧幽眺聽欣不凡發思凌清秋青
山生白雲雲去山還留寄此片時興萬劫高峰頭

觸緒偶即景得句恒因心申命鄒枚侶染翰賡予吟清

詞出衆表妙理入細斟寧無不盡意秘藁貽知音

帳殿張雁塞毳服蒙龍光嘉賓式燕喜乳酒湘黃羊錫爵洽衆歡湛露流霞觴戒旨非所知古俗猶敦龐

楓葉續疊峻楊絲鎖曲隩動靜無窮觀智仁有餘樂佳景四時宜最宜乃金昊曷其可久耽言旋勤政要

新月

魄彩吐寒空中秋月未中塞光偏覺異恒質迴難同結念香聞桂遊睇影颺楓玉臺高倚鏡奩帕半猶蒙

暖

出哨剛逢暖

木蘭哨鹿之區或即謂之哨地云

皮衣易絮裳穀塲歌歲

稔菜圃慶秋長村景觀無盡予懷慰莫量浙東方告歉

南望為

去聲

民傷

木蘭迴蹕駐避暑山莊即景成什

山莊秋半饒清致六轡言旋自木蘭祇以行時脩武備
肯教耽獵久遊盤雲如避去拖綃白楓似隨來嵌壁丹

新月過弦澄碧落要留此對玉輪團

將於山莊度中秋節故云

千尺雪歌

吳中寒山千尺雪自趙宦光疏剔之後膾炙人口
久矣然未免藉人工山莊之內有溪如建瓴置屋
其側泠然灑然噴薄之聲隱巖階泛瀲之光翻月
戶蓋塞地無畝平因其勢而導之吸川濺沫之勢
有不必以千尺計者獨喜其名因以名軒非云慕

蘭聊誌因王

問雪有聲聲亦有矮屋疎籬簌風後無過騷屑送寒音

那似淋浪喧戶牖何來晴晝飛玉花玉花中有聲交加
人間絲竹比不得似鼓雲和之瑟湘靈家雪落千尺亦
其素乃中去聲宮商勝韶護導之則來詎巧管即之則虛

堪靜悟跳波噴沫紛潺湲赴壑一瀉無復還借問盈科
放溟海奚如止坎渟蒼灣疊石開軒致瀟灑雪色簷端
雪聲下秋水之中有六鰲豈必學彼任公釣竿把陡憶
春月臨勾吳寒山疏別傳凡夫趙宦光聽雪信美未可
獅凡夫云久駐今來不假人力而得突過之仙區於焉棄虎跑

之石泉却惠山之竹鑪謝南國之虛聲守北地之故吾
清風明月蒼山碧湖雖曠古而無聞欣始遇之迴殊

瀑布

繡屏開紫翠珠箔滴琤琮不舍赴川勢難尋出竇蹤光
爭晴雪落聲帶晚烟春可飲去聲書牌鹿每於松下逢

張宗蒼山水畫

避暑山莊題句

驛使傳來山水圖山莊著癖作清娛蒼蒼寫出遊神趣
往往逢於跋馬途石罅泉聲動亦靜雲涯峯色有還無

不難結撰成溪壑誰解如斯味道腴

疊中秋帖子詞韻命翰苑諸臣和之

秋中令節從來歌咏之場塞外靈臺自昔豫遊之地此時此處寧可漠然載倡載酬堪云暢爾遂令廣寒法曲音連三十年前肯教翰苑鴻詞格遜四朝詩後萬家烟火隨民便而無改

堯模千畝山田報歲豐而有愉

任顧雕爪繪餅塞垣節物增佳抹月吟風山莊慶宵莫

負底須五字輕唾宋玉老兵仍叶七言可效韓偓
內翰莫嫌頻韻聊紀一時

風月湖山卅載間今朝歌舞不宜刪姮娥也似添豪興
早上璇霄映碧山

最滿冰輪異樣光巖楓皆作桂枝香高低樓閣湖羸聖
上下淪連瀑學匡

鄒枚扈從集師師便合賡吟帖子詩翰苑從來紀佳話
鳳毛還在鳳凰池

依巖軒齋近水樓此間不易值中秋他年試覓新題句
應在千峰最上頭

中秋即事

慶月真宜避暑莊樓臺高下朗寒光一輪久照輝蓬閣
億載如恒祝

壽康不遣絮雲翳空宇早扶蟾魄上東岡野潭斂灩金
波湧何必平湖更憶杭

灤陽別墅作

校獵言旋駐葆旗蕭閒山館偶棲遲
明看綠葉添紅葉默識來時作往時
秋意已隨月西轉溪聲那共水東馳
虛牕點筆消蘭篆不構文瀾引靜思

野店

野店居安忘寄寓

塞外居民多齊晉各省流寓者

貧民生計自為謀漫

詢公賦如何納且喜山田薄有收
虎落編柴防夜逕魚梁疊石截寒流
稔秋村景方生慰轉念南邦又益愁

長城

埤垵樓巖障徒驚建築奇民膏真歎竭地險詎能持萬
里東西亘千秋鑒戒垂勝朝事修葺遐想動嗟咨可識
戒嚴日已成失守時金湯豈云是在德有前規

湯泉行宮即事

返蹕駐巖阿黃花砌齒羅秋寒波自煖今憩昔曾過泉
石饒天趣琴書養性和數年纔一顧結構底須多

八月二十三日作

禮稱不用志終身八月西風最愴神

遺詔從頭十六復難言無忝

誨諄諄

御門日作

一二日萬幾勤政遵

家法疇咨內朝門封章待批答率由貴有恒龍案延黃
閣敷政權剛柔省身切兢業民風頌還淳歲功期允協
每懷乃靡遂蒿目奈才乏

季秋瀛臺

素景仙壺異秋風太液多白輕烟斂浦黃重菊分科汲
古希韓綆惜陰懷魯戈池邊人字柳霜意又婆娑

季秋香山

秋蒐塞館詠卷阿迴蹕經時此偶過流景因思誠迅爾
好山奚必較如何泉聲聽比風聲冷綠葉看輸紅葉多
吟興縱饒佳句少蒼巖可惜費鏤磨

靜室題壁

望中山館紫雲連據座低臨萬景全因識不勞安得逸

無多樂後賸憂先峰姿玉柱倚天外湖色昆明落眼前
白壁居然題靜室笑予無暇一安禪

碧雲寺

清暇停遊罕蕭辰憩照園樹丹秋未老室白晝餘溫幻
裊天衣縷靈淙石髓源羔羊侍臣詠靜寄合忘言

登碧雲寺金剛床塔

百丈之山延緣徐步忘其高十丈之塔矗爾拔地直上
乃訝高宮幾何況罕堵迴據西山半宜其下視無地上

已干青霄太行西來歷萬古杯水滄溟金彈吐康回能
使東南傾女媧誰見西北補我聞佛諦要令萬緣忘胡
為梵誌傳此金剛床高秋乘興一拾級目窮千里心萬
方今年登塔凡三度六和報恩皆有賦江山信美慮程
遥詎可頻頻勞六御因之念寄吳越間夏灾數郡遭述
邇何能五風十雨斗米纔三錢恧哉吾治遜彼唐貞觀
讀唐太宗賜魏徵詩率題

翠濤醞醖成佳釀千日十年醉未醒

二語藥括
太宗詩句

恠底當

年十思疏未將惡旨動君聽

香山即景雜詠

好山豈慮秋光老洗盡繁華越雅宜興會悠然重九近
底殊五柳得詩時

坂霜一夜變新寒遊屐高低絕謝安藉第憑牕縱遙目
峰姿四面入奇觀

明窓寒景最宜人
竈菊盆松淨絕塵
博古未須誇癩祭
聽泉直欲息言津

九月九日作

佩萸把菊為清遊佳辰勝賞聊爾酬月日難逢九復九
嘯歌最喜秋之秋頭科誰繼孟江夏腹藁忽憶王絳州
登高曠覽吾素志民艱在目翻增愁

題董邦達居庸疊翠圖

近作燕山八景詩擬成長卷各圖之侍臣承旨開生面
又見巖闕疊翠奇

具來粉本寫神能萬樹丹青續繡稜近衛皇州鞏北戶

底須垂傳擬嘉陵

繚白縈青轟萬螺
螢緣鳥道憶曾過
彈琴峽口雙松側
勒碑詩應蔚碧蘿

過廬溝橋

颯景石橋頭
愴人是凜秋

丹丘瞻玉劍
黑水度沙溝
波幸今年靖
民蘇昨夏憂
導川懷

聖蹟永定賴貽謀

秋麥

被隴新年綠意深
遠低村靄近迷林
晝花早識方宜北
氣伏還傳候王金
隔歲預思白餅熟
經霜不礙碧雲侵
鳴鞭見此芄芃者
又引先時望雪心

良鄉行宮疊今春韻四首

巡壁分明吟短句
停鑾小憶涉春江
離宮平楚曾何異
風在庭柯月在牕

數命行輿衆已勞上

陵心切豈遊遨肯堂繼

志吾何有敢騁馳驅六馭豪

頻年展謁

橋山下未盡攀龍罔極情況奉

徽音申敬悃敢違一片奠楸誠

是役奉
旨以值六旬

皇太后懿
行慶欲先

謁
申敬也 陵

山影橫西塔影南霜花遍野菊花酣詩情莫道因秋減
觸緒何妨即景探

即景

威紆屏障遠峰連
納稼村村薄有年
二百程途九秋景
兩行楊柳一衢烟
林疏日色來山外
葉墮風聲到馬前
西望

鼎湖白雲表憑輿
曷勝意酸然

駿馬

駿馬多意氣不與凡馬儕
馭娑避塵塲行空越崔嵬
夜玉裝羈勒秋金飾鞍臺
伯樂不常有誰識絕倫材
執鞭

非其人駒跳去不廻

曉行

遠戍依稀辨長途迤邐過人心思日出馬跡踏霜多宿
鳥喧村樹歸鴻下野河招提鐘送響禪者逸如何

偶題

孔子惡佞者子魚以佞傳使之治宗廟衛祀賴以延祝
史貴正辭鮒也何有焉才取適其用德難期其全論人
可知世如矢愛昔賢

過拒馬河

潦水盡寒潭橫橋度六駱渚烟宜畫染旅景與詩諳岸
葦白無力崖楓丹欲酣遙源何處是重疊續雲嵐

秋瀾村

向野構離宮當秋駐行轡一水曲抱原千山遠橫翠石
橋凡幾度興會隨時異軒榭故好在琴書足佳致棲情
西昊景寄妙南華意

黃花

黃花鞠本色紅紫今紛羅亦如隱者流後世假藉多

易州道中作

曉日千村颺爨烟郵程廿里遲去聲鳴鞭逢迎田父多歡

色生計問閭勝去年

易水流沙率不深潦收野渡那須尋荆軻山矗秋雲表
想像當年壯士心

納稼

納稼村村畢崇墉處處有秋成勝往歲二補足餬口而

何市頭價猶爾爭升斗計口百年滋近利三倍取譬言兩
人背面各自東西走左者益以左右者益以右中間必
空虛實乏計善後逢歉輒踴貴遇豐難復舊叶而况豐
恒鮮歉偏易遭偶惟覺勞補救遑云致安阜父母之謂
何對民真慙忸

永慕齋

又已經年別難禁一夕情

丹陵明曉謁碧落九秋橫都是傷心處何曾繼

志成每來增永慕豈繫見齊名

恭謁

泰陵感成長句

曉月華霜靜玉墀

慈闈恭奉奠金卮申誠因值

六旬慶來謁俄經旬六晷繼紹未遑多仰愧熙和難致

切勤思

元宮一闕千秋隔痛憶當年攀戀時

夕

日落遠山橫蒼然暝色清
歸禽翻落葉行漏逌初更
檀縷紫金鴨蓮英燦玉檠
明當旋蹕路遲戀意難平

讀白居易詩率題

立意為平易虞人不知叟
千載誦其詩而叟亦知否

書無逸篇因題其後

訪落殷憂慎始圖昌言一
帙擬三謨為元后則時天
若知小人依所逸無享國
明標四廸括發端深致七
嗚呼

詎惟尚父丹書繼信是千秋帝範模

董邦達輞川雪意

華子岡頭積素多
蹊迷難訪故山過
畫禪親許叅神韻

畫禪室貯董香光名畫大觀冊首即王摩詰雪溪

刻楮無煩較若何

張宗蒼蒼松紅樹

蒼松不共霜
桤紅寒泉割
壁垂雲空
高人箕踞對清畫

靜會悠然爾我同

孟冬時饗

太廟

午門詠蕩鼓嚴晨

太室趨承倍敬寅萬葉皇圖綿衣紹六宗祀典重躬親
黍稷以洽匪今慶籩豆惟嘉依古陳曙色溫暾儀告備
恰欣節應小陽春

圓明園畫禪室對雪有作

積素山逾遠寒侵夕益緜節真應大雪景恰媚名園鶴
訝翔松頂蝗知避麥根竹爐新仿得

仿惠山製竹爐
收雪水烹之

活

火正溫存

偶為山水小幅兼題以詩

文石枯枝間

去聲

草堂坐來兼可俯滄浪烟雲堪悅吾情

性山水何知彼范王不有今人那有古設無閒者亦無
忙儒臣謾自誇多藝聊爾憑消幾暇長

冬至

南郊

齋宮聽漏卯牌傳法從晨趨燭遍田

大祀肇修陽始復藐躬對越志彌虔未臻上理常慙若
昭受鴻庥更惕旃慶值

慈寧開六袞合天下養福增綿

瑞麇詩六韻

有序

辛未秋獮塞上蒙古台吉必力滾達賴以此來獻
色純白如雪目睛如丹砂抱朴子稱鹿壽千歲滿
五百歲則色白此殆其類今年恭遇

聖母皇太后六旬萬壽適靈獸應時而至爰命曰瑞麇

而紀以詩

質稟庚辛色珠躔應壽星

天心慶花甲德產祝

慈寧豈意牲牲屬偏成翬翬形乍辭鹿食野可比鳳儀

庭性自仙人馴

讀如訓
見史記

圖呈動物靈無須稽獸譜永此

驗祥經

賜沈德潛

前席豈不佳別復繼其後江鄉已眷然幸此未為久在

汝申虔慶而我慮奔走松鶴老益健三千里何有祝釐
實攸宜詩人大椿壽

春帖子


壬日立新春重重吉並臻百昌欣律轉萬福自天申

喧鳴臘鼓發韶妍遲日呆愚颺瑞烟屏綵祥徵勝銀裏
盤辛芳獻頌櫛前

除夜

嘉夜貞元會流年新舊分地爐添火坐爆竹達晨聞銀

燭玉蟲綴唐花蜀錦芬詩篇又成帙題此殿前文



御製詩二集卷三十

欽定四庫全書

集部

御製詩二集卷三十一

詳校官尚書_臣德保

助教_臣常循覆勘

總校官原任中允_臣王燕緒

校對官學正_臣卜維吉

謄錄監生_臣戴珮

欽定四庫全書

御製詩二集卷三十一

古今體九十首

壬申一

壬申元旦

曙色昕昕杓轉寅
青陽景運啓元辰
祥徵仙木豐為瑞
善作心田福自申
玉帛萬方咸奉朔
惕乾一意永勤民
守成休息吾初志
却愧仁風扇未淳

新正試筆

首祚韶年此日開敷天吉事與偕來綵屏誌喜翔銀燕
綺室知春綻玉梅協氣中和欽五位從星風雨驗三台
貞元消息如環轉省歲勤民又始哉

元旦宴諸王六韻

天下人增歲寰中物報春簋罇酬上日禮樂本彝倫大
典踈情誼內朝展燕親青陽欣序啟第祿迓天申映座
椒花麗盈庭鷺羽振和平歌斂福敷錫萬方民

正月二日小宴廷臣

白獸規如上日陳九經曰敬繼親親誼聯堂陞承

天貺化遜唐虞顧俗淳寶鵲占年祥宅富鴻龍運斗氣
和閭言言莫丞相稱頌同是吁咨籌治人

題丈徵明小像

沈德潛持明人畫徵明小像乞
題句徵明故正士也怡然允之

飄然巾墊識吳儂文物名邦風雅宗乞我四言作章表
較他前輩慶遭逢

德潛更為徵明祠乞額因以德藝清
標四字賜之德潛額手稱慶且自謂

若非遭際之隆將同
徵明沉滯終身云

生平德藝人中玉老去操持雪裏

松故里遺祠瞻企近勗哉多士善希踪

張宗蒼蘭亭圖

永和脩禊會山陰畫本詩情足古今峯嶺當春多暖翠
林泉入勝有清音墨池誰繼跳龍法文席如聞倚樹吟
結構分明舊相識昨來飛蓋記曾臨

瑞樹歌

長白之山天所作隆崇案衍隣嵎嶼衆水之源會其極
中產萬木兩儀神秀鍾於茲萬木傑池鬱爭長問年皆
在循蜚䟽仡時以上厥有瑞樹為之伯如星拱北羣所

瞻仰栖靈祇命圖以來真神奇畢歆河本鴨綠支船不
能進易威呼湖流而上乃至西埒墨勒溪威呼又不能
進捨舟陸行一由旬斯見瑞樹臨屈屢近樹無凡草金
光蔚敷披聳身三丈五尺餘叶七分去二其合圍上分
十有二大枝莖葉輪囷各異姿其種有八若列眉松檜
白楊遮勒穆期紫樺白樺密克特木及白榆叶自頂至
根合十餘丈崢參差靈芝九本三秀滋是皆紀實非虛
詞乃信神壤天所秘未許塵世尋常窺大椿徒傳八千

歲較此奚啻父視兒特一瑞樹真足陵駕前古史所垂
宜乎長白之山開我國家萬年有道無疆基

重華宮侍

皇太后宴

初春景物邕和韶繡衮承

歡載頌椒寶錄重欣開綺甲瑤觴首介獻芳朝沈香火
底銀簫暖濃麝風前玉蕊嬌願共寰中尊愛意千秋萬
歲奉

東朝

古榦梅歌

槁木中有生意存恰似一陽來地底初番花信小寒前
早綻梢頭兩三蘂獻春開歲報韶光玉笑珠輝乃蠹累
江南諸物都不愛僧寺瓦盆驚見此鉛華洗盡識真梅
鄧尉萬樹皆孫子鳳舸延賓攜以來添作佳談復爾爾
溫室開花早去年篩簷暖日明窓紙南暄北冷固常經
遲速隨時惟定理於何燦發先

去聲

江鄉消息誠難問花

史或云去年花有待南國今仍爛漫矣當亦偶然何足
奇聊為濡毫貌形似

賜顧棟高

老不中書尚著書

棟高雍正年間曾為中書

皤然鶴髮被簪裾澹辭

待詔來金馬榮為通經到玉除詎曰宸嚴常穆若欲諮
民隱便傷如題屏合倣王家例一語還淳足起予

文章風雅數東吳誰似沈潛味道腴為慕談經虛左席
用宏錫類慰慈烏從教馬鬣榮光賁要使蓬門義路趨

不是沈香呼學士貂璫扶掖重醇儒

古陶缶歌

鳥卵其形口在腹腹橢口弇德能畜製貽太古匪今俗
坎離既濟質惟朴用缶鼓缶義經卜渾侖善好無辟暴
叶土蝕萬年黝以穆壽逾金石貴珠玉簞簞敦彝下風
伏徒紀癸丁及仲叔陶於河濱此其躅承漿酌酒來百
福

董邦達秋山紅樹

雲表蒼峯迥不羣，風翻紅葉落疑紛。
畫禪慣解開生面，古淡中餘錦繡文。

張宗蒼雪谿飛瀑

珠貝林柯蒼筍園，琉璃殿閣玉為垣。
飛流不共寒江凍，為識雲中別有源。

雪

正月
六日

瑞葉舞風翔新年，第一祥宵衣欣我。
慰寶穡卜其康，疎密彌賈宇高低。
積素光試燈，增玉麗祈歲。
協金穰時祈

辛酉

居

恰映宜春帖應成志喜章豫齊均待澤翹望逮江鄉

析穀齋居

大祀重初辛清齋潔意身幸看田積玉恰應日臨人咨
政常多愧求賢若可親敬勤隨歲永憂樂後先頻

人日

相沿稱七日首祚應斯民恰擬陽初復欣覩物共春韶

英從舊徹

正月七日值國忌例
不設樂不特齋居也

屏綵展新陳靜驗冲融

志惟懷人者仁

命鄒一桂為設色古幹梅輒疊前韻

繪事設色久不為祇以節末非根底結習其如未盡忘
時復淡墨寫生蕊盆中古幹識春工不作尋常百珠纍
暗香疎朵五六丁叫絕梅花賴有此常見南極老人圖
鮐背睥面如童子我會其意不能工北門學士其咨爾
粉本略具試設色發墨更喜宣德紙西清渲染不多時
已為華光傳妙理富麗何須百首詩詭奇似閱千年史
桃夭杏豔誠彼哉漢栢唐槐視此矣歌成大笑謂小山

無乃爾為太相似

偶題

殘冬間

去聲

懶吟篇春來興發言泉佛法不虞爛却詩裁

想亦云然

詣齋宮作

祈穀鑾儀轂日排齋宮咫尺致虔齋試燈風景皇都麗
返樸還淳為切懷

銀色界中憑玉輦天膏濃處沃心田千門萬戶瞳矐日

並作祥光與瑞烟

和韶九陌靄氤氲一雪從教物盡欣無象太平真在此
豈關頌語飾繁文

瞻禮

皇乾殿

本朝

壇廟仍前明之舊百餘年矣因命次第重脩適

皇乾殿工竣

祈穀預日例本應躬詣行禮載瞻枚實用愜悃忱七字

成詩千秋示志

郊廟規仍勝國遺百年應事鼎新之

三朝有待非從簡此日無遑敢更遲經始次當

祈穀後落成恰值預齋時式瞻輪奐申初敬志切康年

鑒在茲

祈穀禮成述事

首歲欽

卷三十一
元祀惟

天降百祥始升顯夜氣告備霽晨光志愜羣寮慶心殷
萬寶穰春祈十七度久敬敢云遑

重華宮小宴大學士及內廷翰林諸臣

重華文宴集羣仙瑞映瓊樓霽景鮮民瘼心關既均此
天恩額慶合同然間拈吟管聊酬節笑拍春拌又隔年

去年南巡
未舉是宴
賀監金門重應制致予逸興益飛遒

沈德潛
尚未南

歸亦命
預坐

賞開十葉應昌辰和會衣冠燕愷申生面齊看戲毬獸
別裁奚藉捉刀人毋相容易一堂樂尚共疇咨四海春
嘉夜傳柑遲五日冰輪如待載賡頻

雪獅聯句

御製精瑩玉質狀昂藏似虎如何不正黃占吉辟邪誠脩
德

懷仁感澤自含章騰空瓊島凝天骨蹲踞寒坪閃
劍鏗前耳濕時如拂子

臣史
貽直

白毫淺色似針秋康

居珍遠留唐賦王會朝正比宋坊詎可擾馴因號

國

臣陳世倌

略施搏掬只依牆金毛種類何緣別白澤

貞符尚可詳皓體忽看呈元元

臣阿克敦

御製

嚴稜益覺厲洗洗一犇曾並來疏勒六出剛欣舞載

陽奚必周詩羨麟趾

合教垣宿應金芒迎年儘見千門戲職賦無勞萬

里航擬以白起真仿佛

臣梁詩正

貌來烏弋重評量靈

通手底咄塗墨素積天邊異堞糖鈎砌粧成偕獸

舞臣蔣溥玉墀擁護絕鵬翔凝然豈識拋毬引塊爾

無妨擲戟搶氣噤反唇含霹靂

臣劉統勳

御製凍乾強項挂鈴鐺詎同獬豸供人弄却避蝗蟲兆歲穰乍睽星晴飛列缺

偶掀鬚鼻龔狼臙鋸牙一一排銀爛鈎爪森森浴

鐵強飄絮從看添軟毳

臣孫嘉淦

形鹽端可傲礪霜出

林有勢平跳躍伏地無聲遠却攘華薩七毫原是

夢

臣汪由敦

釋迦五指若為狂照書足貯彭亨腹觸佞

常留潔白腸瓊苑高蹲疑瑞鹿

臣嵇璜

御製瑶階特立想神羊具威喜怒看首尾善吼色空演幻

常搏象兔均全力注

角魚龍戲廣廷張貼束紉剪西睎罽騎出奴翻假

面涼安息天高還帶露

臣介福

曼殊座冷不飛香珠

垂瓔珞留金殿色借牟尼護寶床煙罩化為藏霧

豹

臣嵩壽

月朦認作失林麋齊檐競訝來深巷埽徑

新堆集廣場天闊分形高岌岌

臣董邦達

御製崇牙並列猛趨趨茸蹄却遜隄騰迅斂尾猶蕤閃灼

光砌塑爭聽兒女鬧

詭奇可使豹狸僵似聞憲宰雄羣鷲欲奮之而震

遠荒鱗甲紛從玉龍舞

臣沈德潛

規模學得土牛裘晶

英恍惚銀泥印清冽胚胎水玉相簇簇簾前多抱

子

臣錢陳羣

皚皚石畔儼成行殘雲猶與添拳鬣晴旭

初驚射怒睚道溯越山蕪越海

臣錢維城

御製兆現時雨又時暘爭寧豈必歸全幻融潤還因濟太

剛慎德不期西旅貢熙春樂事報農祥

沈德潛和韻有林壑已安仍戀主潞河歸棹敢云

遙之句因疊前韻賜之

人間果見地行仙鷓鴣行中鶴羽鮮恩許追歡謂恬若
情殷惜別乃淒然此人此語仍如昔吳水吳山正有年
分付春風莫相忘好吹帆影再來遙

再來應是歲庚辰

庚辰為朕五十萬壽年曾與
德潛訂約屆期來京慶祝

珍重高

年命屢申早識雲卿擅當代不教疏傳獨前人華茵聯

句朋猶昨綺閣懸燈物共春眠食倘彊思亟見宴陪撤
荔莫辭頻

新春奉

皇太后駐蹕圓明園

西山積素見龍從六出重欣旋舞空景並上林初報喜
吉占多稼敢言豐行春玉樹銀花麗侍

輦千秋萬載同却指鰲山成隔歲青郊燈事記途中

去春

因南巡燈時
未至園中

曲宴外藩即席得句

朝正肆覲集賢王宴錫優駢制有常藉爾屏藩寧北塞
贊予垂拱廸

前光圓廬寫月紅雲擁廣樂熙春紫鳳翔三爵油油稱
既醉有人頗會漢文章

雪後萬壽山

雪色由來無不宜最宜玉嶽疊參差新年行樂來初地
應節占農喜及時晴靄未教融凍浦春風已覺綻南枝

歲華合是依清曠
綈几瑤篇為少遲

宴準噶爾夷使並許觀燈

典屬宣夷使觀燈
錫寵榮銀花爭雪艷
火樹入宵明
常凜勤邊戒聊通職
貢情羈縻西旅族
邇亦解朝正

上元前夕

讓月魚雲朗慶霄
太平燈節九瀛朝
恒春樹擁三山近
不夜花開萬朶饒
疑有仙人來貝闕
又聽樂府按雲韶
冰輪遮莫分毫欠
禁弛金吾第一宵

上元燈詞

高揭冰輪朗照空
晚來又定紫瀾風
今年燈景增妍麗
都為含花雪告豐

一綫煙光萬景舒
紛垂銀蒜復金蕋
烏斯藏使剛陪宴
西域燈輪說不如

虹光百道絳霄流
山外珠林水外樓
即景銀牋試題句
團團寶月正當頭

雪餘玉樹釀微寒
燈火南城夜未闌
寶馬珠簪明月裏

踏歌聲喜遍長安

行春去歲憶南巡郊野煙花亦可人
今夕縱饒宮蠟艷為田那忘覲光民

燈影遊絲簇畫圖合教麗句叶笙竽
詩人老去耽清澹

那更繁華憶舊吳

謂沈德潛

巧匠裁羅更剪綾爭奇裝作上元燈
逢歡轉念還淳責不道當然道未應

御園燈事乍經年鶴鯁鰲山倍覺妍
舞作太平天下字

敢忘夕惕與朝乾

上元後日小宴羣臣並命觀燈

一葉瑤階報落萸流陰瞥眼信無停頗饒逸興留裁魄

莫遲

去聲

連吟負始青雪朗西山送寒色花輝東壁發春

馨文筵例繼上元夜好駐清光筆有靈

直廬何必擁青綾上苑相將玩影燈適值萬幾方少暇
漫誇百穀已成登鼇山鼎扇須臾駕雁塔光明不計層
為問四明歸賀監踏歌應制可重曾

題漢玉璧

藉甚結璘車飛來古月如吉雲常映護精氣早含儲佩
德思無數不雕質有餘永惟君子貴詎止重瑤琚

詠芝

瑤光蜚景彩協氣凝祥產九英標翠柯三秀成金篆漫
言龍馬如詎必石木辨招隱結遐思求仙率荒誕德至
則何有老養斯方勉

題莫景行西湖草堂圖

驚望湖山有所思
遙情千里座中移
玲瓏更見雷峯塔
喜未曾經劫火時

隱君

景行外史

張雨

契知音
供養煙雲寄靜心
我覺明湖絲

竹闌同然先得畫
留令

山東得雪志喜

青齊去歲歉
晚收所希小稔登麥秋
屢聞三白欠冬月
惻然南顧心
懷憂浙東況復災較重
朝夕蒿目無良謀
截漕已過三之一
太倉所資命亟留
邇來入春纔數日

瑞雪頻見霏皇州一以額慶一以望不知近遠均霑不
忽傳大吏報得雪云始齊莒逮魯鄒遺蝗入地無復患
舉趾足可興鋤耰嗟我灾黎庶少濟用此稍慰舒眉頭
慰餘展轉愁復繼至今溫台米價涌貴無停休

晴

雨雪既霑足春日喜載陽盎盎融朔氣霽霽舒曦光候
占驚蟄屆東郊舉趾將宜暘適惟時額手三農慶而我
有厚慰北望恒皇皇塞垣拂廬族生計惟牛羊當春草

未萌所慮風雪涼冰旬孽畜凍往往為災傷內外皆我
民胥願獲安康彼此異苦樂兩得斯為良而恒不可得
幅貲廣且長異或同一晴片時心萬方

觀近稿偶題

年來微覺賦詩多即景還頻選字哦業就無妨姑且置
再繙或已忘如何鯨魚碧海非吾事華日卿雲慕古歌
只有勤民心可驗時時憂樂寄書禾

丁雲鵬掃象圖

語言不著坐金神掃象真乘示應真法供是誰稱愜當
紫檀軸首白檀身

文嘉支硎草堂圖

山水清音草木馨傳神不問識支硎蒼巖阿那雲深處
我亦微吟得少停

青蓮朶

客歲駐輦抗城隅於宋德壽宮故址尋所謂藍瑛
梅石碑蹟碑尚傑監梅已槁仆而其側猶有摧萎

璽璫碑兀刻削者一峯存爲撫摩良久迴鑾後地
方大吏竟以舟便致貢念事已成留置御園既悔
曩時未頒卻貢之旨轉思此石之來將毋惜江樹
之頽懷碩果之歎耶名之曰青蓮朶而繫以詩

化石玲瓏佛鉢花雅宜旁置綠蕉芽皇山峭透房山壯
兼美端堪傲米家

傍峯不見舊梅英石道無情亦愴情此日荒涼德壽月
祇餘碑版照藍瑛

梅亡石在石誰憐碑蹟長從梅石傳石過江來碑獨在
江梅春到總依然

烟霞飽領西湖秀風月新叅七字吟一晌閒庭憑峭倩
吳山重為寄遐心

刻削英英陸地蓮一拳提示色空禪飛來鷲嶺分明在
幽賞翻因意懽然

填倉日題

焰地春鐙雪埽花六街人尚戀年華昔傳端識今堪例

開後從看靜可嘉十字雲腴謾說餅一盃露馥且分茶
拈毫即景艱成句慙愧詞臣頌八叉

前題又作

春雪既霑足宜晴望萬彙和風不鳴條澤潤遍大地此
日稱填倉俗例有深意于耜舉趾時預籌一年計九州
足倉箱萬民無一事生息滋以繁日給尚虞匱豈易得
餘三虛置倉中積益凜祈年心庶可徐言治

初春遊玉泉山即景五首

春雪初消嵐翠蒸玉泉報我景堪馮青龍橋畔繞清蹕
興到烟霞最上層

村路紆徐塍疊鱗土膏脈起不生塵柳將開眼花含蕊
雅似江南二月春

溪畔機房桑柘扶水田新闢治萊汙欲因幾暇頻來往
好閱天然耕織圖

構築精廬仿惠山竹爐清伴片時閒名泉有德無分別

豈較尋常伯仲間

去年品泉以玉泉為第一
惠山為第二故戲及之

碧泓春水映船脣
別院韶光已可人
江硯宣毫供即景
却輸開府擅清新

正月晦日作

春氣和而盎
春郊蘇以滋
階堦全落日
輪桂揔韶時
華節堂堂過
條風漸漸披
凍開明鏡影
芳洩綠楊枝
代序真堪念
健行勉自持
攜詞答韶令
誰繼考功詩

題張宗蒼雪景

紅樓疊樹玉交枝
石面皴銀瘦
並奇習靜已看僧戶閉

衝寒偏有客舟移飛流破凍垂深澗積素因風墮側陂
想像行人迷竹塢幽居何處認茅茨

賜別沈德潛南旋之作

聞道冰開潞水隄歸舟無那挂帆樯剛欣西苑重酬倡
又向東風惜解攜杜老終懷故鄉樂謝公曾眷友人睽
百寮儘有懸車者囊載宸章孰爾齊

宋瓷鼎

見說輕堅大邑瓷幾曾髣髴匠師嗤餅盆徒供家人饋

均汝遙傳脩內司無益害功伊古戒大烹養聖繫吾思
穆然祿采陳裴几介紹鳧罇與鳥彛

仲春齋居

閏餘節令早仲月氣已和春草吐新色春水生微波土
脈既欲動舉趾將日多祀典卜上戊於古重祈禱宿三
此預齋志一戒貳他安能忘九寓屢豐願則那戶口況
日增穀貴理亦宜叶逢年惟苟支失秋饑遂加叶調幕
增已慙填壑憂民瘥

唐人江城春午圖

江城若為好春午最相宜素絹成圖日青蓮得句時花
光漪錦浪晴色裊遊絲竭憶潤州北居然坐對之

恭祀

社稷壇禮成述事

舉趾東郊農務臨質明承祭典

居歆春祈秋報從常典民穀王封合並欽方俎脩陳肥
膾物崇牙疊奏太平音潔觴三獻昭和鬯德養方占歲

在壬

春仲經筵

間濶經筵意未安

去歲以巡狩未舉是典

東風廣厦集儒官不惟

勤學因時最要復存羊俾後觀制事期無適莫見知人

更念惠懷難

是日講尚書知人則括四句論語君子之於天下也一章

春卿儀注百

寮式詎道從容禮數寬

玉鵲

此鵲惟神鵲其鳴不浪鳴真看以玉抵豈是啄槐成善

肖彊彊態空傳喑喑聲翩翩在懷袖占喜愜人情

仲春瀛臺即景二首

冰開太液試遊龍鏡面樓臺瑞靄重傍岬青含新茁刺
隔林白引曉煙封都來幾日因循過便覺芳春次第逢
緣底行時今歲樂東郊雪後土膏濃

柳生稊際花含蕊花柳相宜爛漫前綠渚浴鳬新樂趣
玉梅落瓣舊韶妍輕寒不勒萌青草細響纔淙帶碧泉
與物同遊春浩蕩奉時布化協天權

承光殿

承殿中間埤堦高光春臨眺興因豪庭前檜匝陰千步
隄外船添水一篙機暢鳶飛與魚躍景明玉竦復金鰲
低雲又隱西山色好及耕時潤土膏

題錢維城蒼崖烟磴

疊磴平懸若可登連林霞蔚復雲興箇中似礙窮遙目
擬據千峯最上層

命加賑浙省去歲被災州縣詩以示意

兩浙去歲災東較西為甚嗟嗟我黎民啼饑缺餐飪石

粉聊充餓因以致病瘦

金衢山中有石可為粉饑民有碾以充食而致病者

疾苦

欲盡知終夜不安枕救災無奇方屢留太倉稟晚秋縱

稍獲舖啜僅餘瀋青黃不接時艱食行哀諗申命地方

更吾意其悉審食爾無安肉衣爾無安錦為民之父母

曰惟爾及朕子餓父則飽於心其奚忍

叶賑濟期雖溢

更發我倉廩博施慎無遺庶蘇彼憫慟梗概示端倪施

行尚勲恁人力惟小補仰望早稻稔

春雪

北方多春雪宜暄不宜冷著地為新澤灑空帶輕影東
郊麥紐芽遙看青被町過虞凍孚甲吾心為耿耿晨興
對時晴

王羲之快雪時晴帖墨蹟每於雪窓展玩故云

評書酌清茗

晴

雪化疑春雨風和湊午晴如酥千畝潤似毯二車萌允
協時平秩還欣物向榮明朝西直外憑輦閱新耕

詣

暢春園

皇太后宮問

安

經筵祭

社勅春官數日仙園闕問

安敬志

起居增慰藉對時撫景總生歡

御苑韶光已不遲山隈欲綻小桃枝更將麥隴青蔥象奏博

慈寧一笑怡

昆明湖泛舟之作

春舟泛春水如友邂逅新左右無不宜行止咸欣欣綠
蒲未隱岸白芷纔刺滄鏡影涵疏峯濯濯亦可人旅雁
自南來沙渚相依親明朝還北去迴望瀟湘雲

山桃花

江北桃先杏江南杏先桃月令及花史定論終訛淆
日多東風火迫洞口條絕勝纔依依何必競天天兩年

御苑春往往途中拋

前歲巡保陽去歲巡江浙

臨芳思倍佳斐然命

宣毫

賜題夜紡授經圖

索觀錢陳羣香樹集有題其母夜紡授經圖慈孝之意惻然動人且以見陳羣問學所自來也輒成二絕句題之

篝燈課讀澹安貧義紡經鋤忘苦辛家學白陽諳繪事

成圖底事待他人

陳羣母陳氏善畫

五鼎兒誠慰母貧吟詩不覺鼻含辛嘉禾欲續賢媛傳
不愧當年畫荻人

偶閱左傳宋楚泓之戰事因題

阻隘鼓僂雖失正狗名昧義詎非癡經書明鑒傳千古
識務通權用者誰

雜詠

天下非常事可一不可再做之善已差不善翻致敗如
彼西施嬾效益增醜態真宗封劉氏所累君德大李沆

焚手詔不計已利害臣沆為不可老臣實忠愛意直詞
則婉君子其言藹神宗勅吏部久任示規誡因納御史
言撫鎮數進退責成戒紛易政要庸何礙而胡王家屏
封還博佳話黨同庇其私謬謂國體賴柔懦權下移國
體益大壞明不旋踵亡其忠乃安在

題漢玉印章

紐篆見炎劉圭璋德並儔龍文席筍煥虹彩屋梁浮不
見雕鏤迹欣供什襲哀遐思元凱後又遇十人周

向藏秦漢

印十六枚為一匣曾題詩有如逢八元凱可不共疇咨
之句茲閱數歲又集此十枚為一匣藏之故未句及之

御製詩二集卷三十一